

RJEŠENJE

**po zajedničkoj Prijavi koncentracije privrednih subjekata
MH „Elektroprivreda Republike Srpske“ Matično preduzeće a.d Trebinje, BiH i
RWE Innogy GmbH Essen, SR Njemačka**

**Sarajevo
decembar, 2012. godine**

Na osnovu člana 25. stav (1) tačka e), člana 42. tačka d), u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po zajedničkoj Prijavi koncentracije privrednih subjekata Mješoviti Holding „Elektroprivreda Republike Srpske“ Matično preduzeće a.d. Trebinje, Stepe Stepanovića bb, Trebinje, Bosna i Hercegovina i RWE Innogy GmbH Gildehofstraße 1, 45127 Essen, Savezna Republika Njemačka, zastupanih po advokatu iz Trebinja, Jugoslavu Milanoviću, Luke Petkovića 1, Trebinje, zaprimljenoj dana 11. oktobra 2012. godine pod brojem: 06-26-1-015-II/12, Konkurencijsko vijeće, na 49. (četdesetdevetoj) sjednici održanoj dana 20.12.2012. godine, donijelo je

R J E Š E N J E

1. Ocjenjuje se dopuštenom koncentracija koja će nastati na tržištu proizvodnje, distribucije i trgovine električne energije na teritoriji Bosne i Hercegovine na osnovu zajedničkog ulaganja privrednih subjekata RWE Innogy GmbH Gildehofstraße 1, 45127 Essen, Savezna Republika Njemačka i Mješoviti Holding „Elektroprivreda Republike Srpske“ Matično preduzeće a.d. Trebinje, Stepe Stepanovića bb, Trebinje, Bosna i Hercegovina sa namjerom izgradnje i korištenja četiri hidro elektrane na gornjem slivu rijeke Drine.
2. Ovo Rješenje je konačno i upisuje se u registar koncentracija.
3. Ovo Rješenje bit će objavljeno u "Službenom glasniku BiH", službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 11.10.2012. godine zaprimilo pod brojem: 06-26-1-015-II/12 zajedničku Prijavu koncentracije (u daljem tekstu: Prijava) privrednog subjekta Mješoviti Holding „Elektroprivreda Republike Srpske“ Matično preduzeće a.d. Trebinje, Stepe Stepanovića bb, Trebinje, Bosna i Hercegovina i privrednog subjekta RWE Innogy GmbH Gildehofstraße 1, 45127 Essen, Savezna Republika Njemačka (u daljem tekstu: Podnosilac prijave), koju su isti samoinicijativno dopunili podneskom broj: 05-26-1-015-1-II/12 od 19.10.2012. godine i podneskom broj: 05-26-1-015-2-II/12 od 01.11.2012. godine, a koja se odnosi na zajedničko ulaganje navedenih privrednih subjekata sa namjerom izgradnje i korištenja četiri hidro-elektrane na gornjem slivu rijeke Drine u svrhu proizvodnje električne energije i njene prodaje na tržištu.

Prijava koncentracije je podnesena u propisanom roku, u smislu člana 16. stav (1) Zakona o konkurenciji (u daljem tekstu: Zakon).

Konkurencijsko vijeće je zatražilo dopunu Prijave aktom broj 05-26-1-015-5-II/12 dana 14.11.2012. godine, na što je Podnosilac prijave zatražio produženje roka za dostavu podneskom zaprimljenim pod brojem 05-26-1-015-6-II/12 dana 22.11.2012. godine. Konkurencijsko vijeće je odobrilo produženje roka za dostavu traženih podataka za dodatnih 15 dana aktom broj 05-26-1-015-7-II/12 od 22.11.2012. godine,

na što je Podnosilac prijave dopunio Prijavu dana 07.12.2012. godine podneskom zaprimljenim pod brojem 05-26-1-015-8-II/12 .

Konkurencijsko vijeće je utvrdilo da je Prijava kompletna i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, pod brojem: 05-26-1-015-9 II/12 dana 10.12.2012. godine.

Podnosilac prijave je naveo, u smislu člana 30. stav (2) Zakona, da ima namjeru podnijeti zahtjev za ocjenu koncentracije ovlaštenim tijelima za konkurenciju u Republici Crnoj Gori, dok još uvijek razmatra postojanje obaveze prijavljivanja koncentracije u drugim jurisdikcijama.

Konkurencijsko vijeće je u skladu s članom 16. stav (4) Zakona dana 12.11.2012. godine objavilo Obavijest o dostavljenoj Prijavi, broj: 05-26-1-015-3-II/12 od 09.11.2012. godine, u dnevnoj štampi Bosne i Hercegovine, u kojoj su objavljeni podaci o koncentraciji, te pozvalo sve zainteresovane stranke na dostavljanje pisanih komentara u vezi provođenja iste. Na predmetnu Obavijest nisu dostavljeni komentari zainteresovanih stranaka.

1. Učesnici koncentracije

1.1. Privredni subjekt Mješoviti Holding „Elektroprivreda Republike Srpske“ Matično preduzeće a.d. Trebinje, Bosna i Hercegovina

Privredni subjekt Mješoviti Holding „Elektroprivreda Republike Srpske“ Matično preduzeće a.d. Trebinje, Stepe Stepanovića bb, Trebinje, Bosna i Hercegovina (u daljem tekstu: ERS), je registrovan na Okružnom privrednom sudu u Trebinju pod brojem 062-0-REG-000269.

Privredni subjekt ERS je u 100,0% vlasništvu Republike Srpske, koja je ujedno i osnivač navedenog holdinga. Osnovne registrovane djelatnosti privrednog subjekta ERS su proizvodnja i distribucija električne energije.

ERS je krajnje matično i holding društvo ERS grupe. ERS upravlja sa pet povezanih društava koja se bave proizvodnjom električne energije (u Trebinju, Višegradu, Mrkonjić Gradu, Gacku i Ugljeviku), kao i pet povezanih društava za distribuciju električne energije (sa sjedištem u Banjoj Luci, Doboju, Bijeljini, Palama i Trebinju).

Privredni subjekt ERS u Bosni i Hercegovini ima vlasničke udjele u osnovnom kapitalu drugih privrednih subjekata kako slijedi:

Tabela 1.

R.b.	Naziv privrednog subjekta	Vlasnički udio (%)
1.	ZP HE na Trebišnjici a.d. Trebinje	(**) ¹ %
2.	ZP HE na Drini a.d. Višegrad	(**) %
3.	ZP HE na Vrbasu a.d. Mrkonjić Grad	(**) %
4.	RiTe Gacko a.d. Gacko	(**) %
5.	RiTe Ugljevik a.d. Ugljevik	(**) %
6.	ZP Elektrokrajina a.d Banja Luka	(**) %
7.	ZP Elektro a.d Doboju	(**) %
8.	ZP Elektrobijeljina a.d Bijeljina	(**) %
9.	ZP Elektrodistribucija a.d Pale	(**) %

¹ (**)- podaci predstavljaju poslovnu tajnu

10.	ZP Elektrohercegovina a.d Trebinje	(**) %
11.	ZP Istraživačko razvojni centar – IRCE	(**) %
12.	HE Dabar d.o.o Trebinje	(**) %

Izvor: Podaci iz Prijave; * (**) % odnosi se na direktni udio; ** ERS ima (**) % direktnog udjela i (**) % preko ZP HE na Trebišnjici A.D. Trebinje

Privredni subjekt ERS je jedan od dva partnera u zajedničkom ulaganju Nove Elektrane Republike Srpske d.o.o. za proizvodnju i prodaju električne energije Gacko, sa sjedištem u Industrijska zona bb, Gacko, Bosna i Hercegovina (u daljem tekstu: NERS). Drugi partner je privredni subjekt ČEZ a.s. sa sjedištem u Duhová 2/1444, 140 53 Prag 4, Republika Češka koji ima (**) % vlasničkog udjela, dok preostalih (**) % pripada privrednom subjektu ERS. Privredni subjekt NERS nema vlasničke udjele u drugim privrednim subjektima.

Izvršni direktor privrednog subjekta ERS, Nenad Radović (LK (**)), je ujedno i član upravnog odbora privrednog subjekta NERS. Osim navedenog, nema članova upravnih ili nadzornih odbora društava ERS grupe koji su istovremeno članovi upravnih ili nadzornih odbora bilo kog drugog (konkurentskog) društva na relevantnom tržištu u BiH.

1.2. Privredni subjekt RWE Innogy GmbH Essen, Savezna Republika Njemačka

Privredni subjekt RWE Innogy GmbH Gildehofstraße 1, 45127 Essen, Savezna Republika Njemačka (u daljem tekstu: RWE Innogy), registrovan je pri Osnovnom sudu u Essenu pod brojem B-20302.

RWE Innogy je dio RWE grupe. Krajnje matično društvo RWE grupe je RWE Aktiengesellschaft, sa sjedištem u Opernplatz 1, 45128 Essen, Savezna Republika Njemačka (u dalnjem tekstu: RWE AG).

RWE grupa prevashodno posluje u oblasti električne energije i prirodnog gasa. Aktivnosti RWE grupe u energetskom sektoru obuhvataju proizvode i usluge vezane za električnu energiju i gas na suštinski svakom nivou lanca snabdijevanja, od istraživanja/proizvodnje do snabdijevanja krajnjih korisnika. RWE grupa posluje širom Evrope, a najviše u Njemačkoj. Njeno prisustvo van Njemačke je naročito usmjereno na Veliku Britaniju, Holandiju i Istočnu Evropu. Vlasnička struktura privrednog subjekta RWE AG iz decembra 2011. godine prikazana je u tabeli br. 2.

Tabela 2.

R.b.	Naziv privrednog subjekta	Vlasnički udio (približno %)
1.	RW Energie-Beteiligungsgesellschaft (Nemačka)	(**) ² %
2.	Privatni akcionari	(**) %
3.	BlackRock Financial Management (SAD)	(**) %
4.	Mondrian Investment Partners (VB)	(**) %
5.	Zaposleni	(**) %
6.	Drugi institucionalni akcionari	(**) %
7.	Ukupno	(**) %

Izvor: Podaci iz Prijave

RWE grupa ima samo jedno povezano društvo registrovano u BiH u kojem drži (**) % udjela i prava glasa, a to je RWE Innogy d.o.o. Sarajevo, sa sjedištem u Fra Anđela Zvizdovića 1, 71000 Sarajevo, Bosna i Hercegovina, (**).

² (**) - podaci predstavljaju poslovnu tajnu

Društvo nema dozvolu za proizvodnju i prodaju električne energije i neaktivno je. Osnivač privrednog subjekta RWE Innogy d.o.o. Sarajevo je privredni subjekt RWE Innogy sa (**) % vlasničkim udjelom.

RWE AG jedan je od dva člana društva koji zajednički kontrolišu privredni subjekt KELAG-Kärntner Elektrizitäts-Aktiengesellschaft, sa sjedištem u Arnulfplatz 2, 9010 Klagenfurt, Austrija, registrovano pod matičnim brojem FN 99133i (u daljem tekstu: KELAG). Privredni subjekt KELAG je pod zajedničkom kontrolom privrednog subjekta RWE AG i Savezne pokrajine Koruške. Pretežne registrovane djelatnosti privrednog subjekta KELAG su proizvodnja, nabavka, distribucije i prodaje mrežne električne energije na području Republike Austrije.

Povezana društva registrovana u Bosni i Hercegovini u kojima privredni subjekt KELAG ima (**) % vlasničkog udjela su:

Tabela 3.

R.b.	Naziv privrednog subjekta	Prihod 2011. (KM)
1.	Interenergo d.o.o. Sarajevo	(**) ³
2.	IEP energija d.o.o. Gornji Vakuf-Uskoplje	(**)
3.	EHE društvo za proizvodnju, razvoj i trgovinu d.o.o. Banja Luka	(**)
4.	LSB Elektrane d.o.o. Banja Luka	(**)
5.	Interhem d.o.o. Banja Luka	(**)

Izvor: Podaci iz prijave

Privredni subjekt Interenergo d.o.o. Sarajevo je registrovan u Općinskom sudu u Sarajevu pod matičnim brojem 1-26376 i ima sjedište u ul. Fra Andela Zvizdovića 1, 71000 Sarajevo, Bosna i Hercegovina. Osnivač društva je privredni subjekt Interenergo energetski inženjering d.d. Slovenija, Železna cesta 18, Ljubljana, Slovenija, a privredni subjekt KELAG posredno drži (**) % vlasničkih udjela u društvu. Osnovna registrovana djelatnost društva je trgovina električnom energijom, razvoj i upravljanje projektima obnovljive energije.

Ne postoje društva unutar RWE grupe u kojima su članovi upravnih ili nadzornih odbora istovremeno članovi upravnih ili nadzornih odbora bilo kojeg drugog (konkurentnog) društva na relevantnom tržištu u BiH.

2. Obaveza prijave koncentracije

Obaveza prijave koncentracije privrednih subjekta sa sjedištem i prebivalištem u inostranstvu postoji ukoliko su ispunjeni uslovi iz člana 14. stav (1) tačke a) i b) Zakona, tj. ukoliko ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i ukoliko ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i / ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

³ (**)- podaci predstavljaju poslovnu tajnu

Prema podacima iz Prijave, ukupni (konsolidovani) godišnji prihodi privrednih subjekata učesnika koncentracije i njihovih povezanih privrednih subjekata, na dan 31.12.2011. godine, kao godini koja prethodi koncentraciji, iznosi:

Tabela 4.

	ERS Grupa		RWE Grupa	
	EUR	KM	EUR	KM
Svijet	(**)	(**)	(**)	(**) ⁴
BiH	(**)	(**)	(**)	(**)

Izvor: Podaci iz Prijave

Na osnovu navedenih podataka utvrđeno je da su učesnici koncentracije ispunili uslove vezano za ukupni ostvareni godišnji prihod u smislu člana 14. stav (1) Zakona, te su obavezni podnijeti prijavu koncentracije u smislu člana 16. stav (1) Zakona.

Godišnji prihodi učesnika koncentracije (i povezanih društava) predstavljaju ukupne prihode (bez poreza na dodanu vrijednost i drugih poreza), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

3. Pravni okvir ocjene koncentracije

Konkurencijsko vijeće u provedbi postupka ocjene dopuštenosti predmetne koncentracije je primijenilo odredbe Zakona, Odluke o utvrđivanju relevantnog tržišta («Službeni glasnik BiH» br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

4. Pravni osnov i oblik koncentracije

Kao pravni osnov predmetne koncentracije Podnosilac prijave je dostavio Ugovor o strateškom partnerstvu u istraživanju, razvoju, izgradnji i korištenju hidroenergetskog potencijala gornjeg sliva rijeke Drine, zaključen u Banjoj Luci dana 26.09.2012. godine između Republike Srpske i privrednog subjekta ERS sa jedne strane i privrednog subjekta RWE Innogy sa druge strane (u daljem tekstu: Ugovor o strateškom partnerstvu).

Predmet Ugovora o strateškom partnerstvu se tiče osnivanja zajedničkog ulaganja između privrednog subjekta RWE Innogy i privrednog subjekta ERS sa namjerom izgradnje i korištenja četiri hidro-elektreane na gornjem slivu rijeke Drine u svrhu proizvodnje električne energije i njene prodaje na tržištu, koje će biti realizovano kroz više faza (**).

(**).

5. Relevantno tržište

Relevantno tržište, u smislu člana 3. Zakona, te članova 4. i 5. Odluke o utvrđivanju relevantnog tržišta, čini tržište određenih proizvoda i/ili usluga koji su predmet obavljanja djelatnosti na određenom geografskom području.

⁴ (**)- podaci predstavljaju poslovnu tajnu

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište proizvoda i/ili usluga u predmetnoj koncentraciji smatra se tržište proizvodnje, distribucije i trgovine električne energije na cijeloj teritoriji Bosne i Hercegovine.

Slijedom navedenog, pod relevantnim tržištem predmetne koncentracije smatrat će se tržište proizvodnje, distribucije i trgovine električne energije na teritoriji Bosne i Hercegovine.

6. Analiza relevantnog tržišta

U Bosni i Hercegovini postoje regulatorne institucije elektroenergetskog tržišta i to: Državna regulatorna komisija za električnu energiju Bosne i Hercegovine (u daljem tekstu: DERK), Regulatorna komisija za električnu energiju Republike Srpske i Regulatorna komisija za električnu energiju Federacije Bosne i Hercegovine, Nezavisni operator sistema prenosa Bosne i Hercegovine (u daljem tekstu: NOS) i kompanija za prenos električne energije u Bosni i Hercegovini (Elektroprenos BiH), koja je kao vlasnik sistema prenosa, a počela je djelovati u 2006. godini i jedino je društvo nadležno za prenos električne energije u Bosni i Hercegovini.

DERK je 26. juna 2006. godine, donio Odluku o obimu, uvjetima i vremenskom rasporedu otvaranja tržišta električne energije u BiH ("Službeni glasnik BiH", br. 48/06 i 77/09) ("Odluka o otvaranju"). Odluka o otvaranju definiše obim, uslove i vremenski raspored otvaranja tržišta električne energije u Bosni i Hercegovini u djelatnostima proizvodnje i snabdijevanja električnom energijom. Otvaranje tržišta električne energije će se odvijati postepeno, a njegov cilj je stvaranje, održavanje i razvoj konkurentnih uslova među učesnicima na tržištu električne energije. Od 2009. godine, svi kupci imaju pravo da dobiju status kvalifikovanog kupca osim domaćinstava koja će imati pravo na takav status od 1. januara 2015. godine.

Na tržištu u Bosni i Hercegovini u velikoj mjeri djeluju tri privredna subjekta: Mješoviti Holding Elektroprivreda Republike Srpske – Matično preduzeće a.d. Trebinje, Elektroprivreda Bosne i Hercegovine d.d. Sarajevo i Elektroprivreda Hrvatske zajednice Herceg-Bosne d.d. Mostar.

Prema godišnjem izvještaju DERK-a i podacima iz Prijave, tržišni udjeli učesnika koncentracije i njihovih konkurenata na relevantnom tržištu u 2011. godini su prikazani u narednim tabelama.

Proizvodnja električne energije u Bosni i Hercegovini u 2011. godini

Tabela 5.

R.b.	Način proizvodnje	Naziv privrednog subjekta				BiH (GWh)
		EP BiH* (GWh)	ERS (GWh)	EP HZHB** (GWh)	Komunalno Brčko (GWh)	
1.	Proizvodnja u hidroelektranama	1.113,63	1.817,09	1.395,40	0,00	4.326,12
2.	Proizvodnja u termoelektranama	6.138,01	3.449,76	0,00	0,00	9.587,77
3.	Proizvodnja u malim i	100,82	28,61	6,60	0,00	136,04

	industrijskim elektranama					
4.	Ukupno (GWh)	7.352,47	5.295,46	1.402,00	0,00	14.049,93

Izvor: Godišnji izvještaj DERK iz 2011. godine;

* Elektroprivreda Bosne i Hercegovine d.d. Sarajevo;

** Elektroprivreda Hrvatske zajednice Herceg-Bosne d.d. Mostar

Procijenjeni tržišni udjeli na veleprodaje električne energije u BiH u 2011. godini:

Tabela 6.

R.b	Naziv privrednog subjekta	Tržišni udio (%)
1.	EP BiH	(**) ⁵ %
2.	ERS	(**) %
3.	EP HZHB	(**) %
4.	EFT d.o.o. Trebinje	(**) %
5.	Rudnap d.o.o. Banja Luka	(**) %
6.	Epzada d.o.o. Čapljina	(**) %
7.	Interenergo d.o.o. Sarajevo	(**) %
8.	GEN-I d.o.o. Sarajevo	(**) %
9.	Alpiq Energija BH Sarajevo	(**) %
10.	Repower Adria Sarajevo	(**) %
11.	Ostali*	(**) %
12.	Ukupno	(**) %

Izvor: Podaci iz prijave;

* uračunat tržišni udio (**) % IEP Energija d.o.o. Gornji Vakuf – Uskoplje

Iz podataka o tržišnim udjelima učesnika na relevantnom tržištu vidljivo je da Elektroprivreda BiH ima najveći tržišni udio koji iznosi oko (**) %, ERS ima tržišni udio od oko (**) %, dok Elektroprivreda Hrvatske zajednice Herceg Bosne ima udio od oko (**) %. Privredni subjekat RWE Innogy, kao drugi učesnik predmetne koncentracije, je prisutan na relevantnom tržištu putem svojih povezanih društava, privrednih subjekata Interenergo d.o.o. Sarajevo sa tržišnim udjelom od (**) % i IEP Energija d.o.o. Gornji Vakuf – Uskoplje sa tržišnim udjelom (**) %.

Prema podacima iz Prijave, oko (**) % ukupnog prihoda privrednog subjekta Interenergo d.o.o. Sarajevo ostvareno je putem tzv. intra-grupne trgovine, odnosno, od prodaje električne energije vlastitim povezanim društvima u Srbiji, Crnoj Gori, Makedoniji, Hrvatskoj i Sloveniji, dok je privredni subjekt IEP Energija d.o.o. Gornji Vakuf – Uskoplje ostvarilo prihod od prodaje električne energije u malim hidroelektranama. Ukupna proizvodnja IEP Energija d.o.o. Gornji Vakuf – Uskoplje na godišnjem nivou iznosi (**), što odgovara tržišnom udjelu od (**) %, (**).

U segmentu maloprodaje velikim industrijskim kupcima u BiH u 2011. godini privredni subjekt ERS ima tržišni udio od (**) %, dok tržišni udio istog u segmentu maloprodaje malim kupcima iznosi (**) %. Privredni subjekt RWE Innogy kao drugi učesnik predmetne koncentracije, prema podacima iz Prijave, nije prisutan na relevantnom tržištu u segmentu maloprodaje ni direktno, niti putem povezanih društava.

7. Ocjena predmetne koncentracije

⁵ (**) - podaci predstavljaju poslovnu tajnu

Analizom relevantnog tržišta utvrđeno je da u momentu koncentracije ni jedan od učesnika predmetne koncentracije nema dominantan položaj na relevantnom tržištu, kao i to da neće doći do značajnog povećanja tržišnih udjela istih, obzirom da je privredni subjekt RWE Innogy prisutan na relevantnom tržištu samo u segmentu veleprodaje i to sa tržišnim udjelom od oko (**) %.

(**)⁶.

Prema podacima iz Prijave, ukupni proizvodni kapaciteti u Bosni i Hercegovini sada iznose oko (**), a planirani razvojni projekti iz oblasti energetike predviđaju rast kapaciteta od oko 40% do 2020. godine (izuzimajući male hidro-elektreane, vjetro-elektreane i druge obnovljive izvore). Pod ovim se prvenstveno misli na slijedeće projekte: TE Tuzla - blok 7 kapaciteta (**), TE Kakanj – blok 8 kapaciteta (**), HE Vraduk kapaciteta (**), TE Ugljevik 3 kapaciteta (**), HE Ulog kapaciteta (**), HE Dabar kapaciteta (**), Dubrovnik 2 kapaciteta (**), HE Srednja Drina kapaciteta (**), HE Mrsovo (**), TE Stanari kapaciteta (**) i dr. nakon čega bi kapaciteti proizvodnje električne energije u Bosni i Hercegovini trebali iznositi oko (**).

Obzirom da povećanje proizvodnih kapaciteta planirano predmetnom koncentracijom iznosi oko (**), očekivani rast proizvodnje učesnika koncentracije, posredstvom ovog zajedničkog ulaganja, a u odnosu na planirani rast proizvodnje u Bosni i Hercegovini do 2020. godine, mogao bi da rezultira povećanjem zajedničkog tržišnog udjela za oko (**) %.

Imajući u vidu date podatke i provedene analize, kao i činjenicu da predmetna koncentracija ne dovodi samo do agregacije tržišnih udjela, nego predstavlja i investiciju koja će dovesti do stvaranja novih proizvodnih kapaciteta, Konkurencijsko vijeće je ocijenilo da se predmetnom koncentracijom neće stvoriti niti dodatno ojačati dominantni položaj učesnika koncentracije, budući da se neće moći u značajnoj mjeri ponašati nezavisno od stvarnih konkurenata na relevantnom tržištu, te je ocijenilo koncentraciju dopuštenom u smislu člana 18. stav (2) tačka a) Zakona.

8. Administrativna taksa

Podnosilac prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Rješenja.

Predsjednik

Gordana Živković

⁶ (**) - podaci predstavljaju poslovnu tajnu